

CONVENIO DE COLABORACIÓN ENTRE A CONSELLERÍA DE POLÍTICA SOCIAL E IGUALDADE E A FUNDACIÓN DE SOLIDARIDAD AMARANTA PARA O MANTEMENTO DUN RECURSO DE ACOLLIDA EN OURENSE PARA MULLERES QUE SOFREN VIOLENCIA DE XÉNERO, NO MARCO DO PACTO DE ESTADO CONTRA A VIOLENCIA DE XÉNERO

MEMORIA EXPLICATIVA

De conformidade co Decreto 139/2024, do 20 de maio, polo que se establece a estrutura orgánica da Consellería de Política Social e Igualdade, á Dirección Xeral de Loita contra a Violencia de Xénero, como órgano de dirección correspóndelle Impulsar as actuacións conducentes á eliminación da violencia de xénero nos termos establecidos na Constitución, no Estatuto de autonomía de Galicia, na Lei 7/2023, do 30 de novembro, para a igualdade efectiva de mulleres e homes de Galicia, na Lei 11/2007, do 27 de xullo, galega para a prevención e o tratamento integral da violencia de xénero, e na demais lexislación aplicable na materia.

A Lei orgánica 1/2004, de 28 de decembro, de medidas de protección integral contra a violencia de xénero articula medidas dirixidas a reforzar os servizos sociais de información, atención, emerxencia, apoio e recuperación integral, así como o establecemento dun sistema para a eficaz coordinación dos servizos existentes a nivel municipal e autonómico. Establece o dereito das mulleres vítimas de violencia a servizos de atención, de emerxencia, de apoio, de acollida e de atención integral. A organización destes servizos por parte das Comunidades Autónomas e Corporacións Locais responderá aos principios de atención permanente, atención urxente, especialización de prestacións e multidisciplinariedade profesional.

A Lei 11/2007, do 27 de xullo, galega para a prevención e o tratamento integral da violencia de xénero, regula no seu artigo 48 a Rede galega de acollemento indicando que os centros de acollida son recursos especializados residenciais e temporais que lles ofrecen acollemento, atención e recuperación ás mulleres que sofren violencia de xénero e ás e aos menores ao seu cargo que requiren un espazo de protección debido á situación de indefensión ou risco causada pola violencia de xénero e que garantirán un tratamento integral de atención e/ou de recuperación, que abranxa aspectos psicolóxicos, educativos, socio-laborais e xurídicos e favoreza a normalización da situación persoal das mulleres, da súa unidade familiar e a superación dos efectos da violencia.



Pola súa banda, o Pacto de Estado contra a Violencia de Xénero, aprobado na sesión plenaria do Congreso o 28 de setembro de 2017 (Informe da Subcomisión para un Pacto de Estado en materia de violencia de xénero) e na sesión do Senado do 13 de setembro de 2017, (Informe da Ponencia de Estudo para a elaboración de estratexias contra a violencia de xénero), contén un conxunto de propostas para previr e combater a violencia contra a muller e para mellorar na resposta que, desde as Institucións, se proporciona ás mulleres vítimas e ás súas fillas e fillos menores, entre as que se atopan varias dirixidas a garantir recursos habitacionais adecuados e suficientes para todas as mulleres que sofren violencia de xénero.

O día 25 de novembro de 2021, catro anos despois da aprobación do Pacto de Estado contra a Violencia de Xénero de 2017, a maioría dos grupos políticos con representación parlamentaria, conscientes de que o Pacto de Estado non pode ter como horizonte temporal o mes de setembro de 2022, senón que debe continuar vertebrando a nosa resposta como país fronte á violencia machista, asinaron un acordo de renovación do Ditame e o 22 de xullo de 2022 a Conferencia Sectorial de Igualdade aprobou o Acordo relativo ao establecemento dun marco de actuación conxunta que garanta a prórroga e permanencia das políticas públicas e os servizos que se derivan do Pacto de Estado contra a Violencia de Xénero, co obxecto asegurar as condicións básicas que garantan a igualdade de todas as mulleres no exercicio dos seus dereitos fronte á violencia.

O 20 de marzo de 2023 publicouse no Boletín Oficial do Estado a Resolución do 16 de marzo de 2023, da Secretaría de Estado de Igualdade e contra a Violencia de Xénero, pola que se publica o Acordo da Conferencia de Sectorial de Igualdade, de 3 de marzo de 2023, polo que se aproba o Plan conxunto plurianual en materia de violencia contra as mulleres (2023-2027). Este Plan recolle o Catálogo de referencia de políticas e servizos en materia de violencia contra as mulleres e na Área 2 Asistencia social integral e reparación inclúe os recursos especializados residenciais cuxo obxectivo é atender as necesidades inmediatas ou a medio e longo prazo de recuperación das vítimas. Na Subárea 2.1 Servizos especializados de apoio, asistencia e recuperación integral sinala expresamente o aloxamento temporal seguro tanto de emerxencia como de longa duración.

A Fundación de Solidaridad Amaranta foi constituída con data 30 de novembro de 2006 constando a súa inscrición no Rexistro de Fundacións de carácter estatal por Resolución do 30 de marzo de 2007 sendo o número de rexistro asignado o 816 e figura recoñecida e inscrita no Rexistro único de entidades prestadoras de servizos sociais da Consellería de Política Social e Igualdade co número E-6098. Está integrada na rede galega de acollemento nos termos previstos na Lei 11/2007, do 27



de xullo, galega para a prevención e o tratamento integral da violencia de xénero, e ten como finalidade proporcionar aloxamento ás mulleres e ás e aos menores delas dependentes, que se atopen inmersas nunha situación de malos tratos.

A Fundación de Solidaridad Amaranta ten como obxectivos, entre outros, os de contribuír ao pleno desenvolvemento dos dereitos das mulleres en todo o mundo especialmente promovendo o acceso aos mesmos daquelas en situacións de maior vulnerabilidade ou exclusión social, traballando a favor da incorporación social e laboral das mulleres que se atopan en contextos de prostitución, tráfico e trata para a súa explotación e outras situacións de exclusión e violencia de xénero.

Ofrece un servizo de acollida onde se realiza unha intervención integral con mulleres ou unidades familiares vítimas de violencia de xénero. Desenvólvense procesos de recuperación persoal e incorporación social que pretenden unha estabilización e unha posterior integración da muller e os menores na comunidade.

As persoas beneficiarias do programa son mulleres que, sendo vítimas de violencia de xénero, estableceron unha ruptura co agresor mediante diferentes vías, que poden contemplar a denuncia e procedementos xudiciais, aínda que non necesariamente.

As mulleres poderán estar acompañadas polos seus fillos e fillas menores, sendo estes considerados tamén vítimas de violencia de xénero e, establecéndose por elo, medidas de apoio e protección, dada a singularidade de esta problemática.

O ingreso na casa de acollida prodúcese fundamentalmente por tres motivos: necesidade de protección por atoparse en situación de risco, carecer de recursos propios (vivenda, recursos materiais e/ou económicos) e/ou carecer dunha rede social de apoio efectiva. Isto, farase a través dunha Acollida, na que non só se cubrirán as súas necesidades básicas, senón que se realizará un proceso de intervención que abarque distintos aspectos relacionados coa problemática e as súas capacidades.

Ademais, e na súa condición de entidade prestadora de servizos sociais, é titular dun centro de acollida de transición a vida autónoma para mulleres, acondicionado e autorizada para a atención a mulleres vítimas de violencia de xénero, e compe os requisitos establecidos na orde do 1 de abril de 1997, pola que se regulan os requisitos específicos dos centros de acollida para mulleres vítimas de malos tratos.

A Consellería de Política Social e Igualdade, de cara a mellorar a situación das mulleres vítimas de violencia de xénero e ampliar o número de prazas de acollida dispoñibles en Galicia, fundamentalmente na provincia de Ourense estima conveniente asinar un convenio de colaboración coa Fundación de Solidaridad



Amaranta, para o mantemento dun recurso de acollida para mulleres que sofren violencia de xénero.

O obxecto do convenio é a colaboración no financiamento dos gastos de persoal e gastos correntes de funcionamento do dito recurso, comprometéndose a Fundación a manter o recurso en funcionamento e a prestarlle a estas mulleres vítimas de violencia de xénero un servizo integral de atención, emerxencia, apoio, acollida e recuperación.

Santiago de Compostela, na data da sinatura dixital

O director xeral de Loita contra a Violencia de Xénero

Roberto Barba Alvedro

